

cet homme est vn des plus accomplis fauuages que nous ayons, ie nay connu aucun ombre de vice en luy iamais ie nay entendu vne parole plus haute L vne que lautre il est ardent pour la priere et quand il est icy il me fait de g^{de}. Instance pour L Instruire particulièrement ils ont tous deux vn zeile admirable pour Instruire au plustost vn de leurs Anfans qui commence à parler, et viuent ainfy dans La plus g^{de}. Ioye du monde fans que ie les ayent peu voir Iamais Chagrins. Sebastien et Radegonde qui arriuerent avec ses deux premiers et qui leurs font alliez, se font portez a Dieu de mesme Maniere ces deux familles ensembles sont irreprochables en tout en les voyant il me vient fouuent certains desirs: ah que ie fouhaitterois quon vit en france La maniere dont ces fauuages ce portent a Dieu car on ne le peut conceuoir a moins quon ne le voye. Il y a bien vn mois que ie nay pas eu vn moment de temps pour reprendre cette petite Relation La principale occupation que iay eüe a esté dinstruire vne grande quantité de nouvaux fauuages qui font arriuez depuis quelques Iours dans La meilleure disposition du monde pour La priere celuy qui les a esté Inuiter de ma part en a desia instruit plusieurs en les amenant Icy; et pour le grand nombre quil a amené ie me suis estonné comme ils se font tous mis au bien, il ny en a eu que trois qui ont vn peu beu en arriuant mais qui ne mont donné aucune peine: comme ie n'ay pas veu ses trois dans vn assez grande disposition pour la priere iay consenty volontiers a leur retour a L Acadie ou ils vont requerir le reste de leurs parens pour prier a ce quils disent a leur retour, le reste est dans vne grande ferueur, Apres les auoir